

Saksprotokoll i fylkestinget - 05.03.2019

Til å skrive under møteboka saman med fylkesordføraren vart Natalia Antonia Golis, MDG og Kjell Gitton Håland, A valde.

Fylkesordføraren gjorde framlegg om at møteboka vert godkjend av fylkesordføraren og dei som vart oppnemnde til å skrive under møteboka. Fylkestinget slutta seg til dette.

Fylkesordføraren heldt opningstalen sin til fylkestinget.
Fylkesrådmannen heldt sin tale.

ORDSKIFTET ETTER TALANE

Etter talane var det ordskifte. 18 representantar hadde ordet.

I samband med ordskiftet vart det sett fram to oversendingsforslag.

Silja Ekeland Bjørkly (H) sette fram slikt oversendingsforslag til fylkesrådmannen:

«Fylkestinget ber om at det blir lagt fram sak som redegjør for ulike alternativer for passasjerbetaling på fylkesvegferger.»

Oversendingsforslaget frå Bjørkly vart samrøystes vedteke oversendt.

Jeanett Syversen (R) sette fram slikt oversendingsforslag til fylkesrådmannen:

«Jeg oppfordrer fylkesrådmannen og administrasjonen i Opplæring og Helse om å legge frem vurdering, som tar sikte på å avdekke om jenters skolehverdag i HFK er preget av kjønns diskriminering og sexisme.»

Oversendingsforslaget frå Syversen vart samrøystes vedteke oversendt.

I samband med ordskifte vart det sett fram 4 forslag til fråsegner:

Terje Søviknes (Frp) sette fram forslag om fråsegn om «Etablering av Stord folkehøgskule – Støtteerklæring Hordaland fylkeskommune» til kunnskapsministeren, kunnskapsdepartementet, Hordalandsbenken og Sogn og Fjordane benken. Fylkestinget vedtok samrøystes å realitetsbehandla fråsegna og setja fråsegna på sakskartet som ny sak.

Aud Karin Oen (SV) sette fram forslag om fråsegn om «Kvinnehelse og barselomsorg er viktig.» til styret i Helse Vest, adm.dir. i Helse Vest og helseministeren. Fylkestinget vedtok samrøystes å realitetsbehandla fråsegna og setja fråsegna på sakskartet som ny sak.

Nils Marton Aadland (H) sette fram forslag om fråsegn om «Trong for midlertidige tiltak i påvente av ny E36 mellom Vågsbotnen og Klauvaneset.» til samferdselsminister, samferdselsdepartementet og Hordalandsbenken. Fylkestinget vedtok samrøystes å å realitetsbehandla fråsegna og setja fråsegna på sakskartet som ny sak.

Jeanett Syversen (R) sette fram forslag om fråsegn om «Ja til fortsatt demokratisk kontroll over Bergensbanen og Vossebanen.» til regjeringa og stortinget. Fylkestinget vedtok samrøystes å å realitetsbehandla fråsegna og setja fråsegna på sakskartet som ny sak.

INTERPELLASJONAR/SPØRSMÅL.

Anne Beth Njærheim (V) sette i samband med interpellasjon FO 3/19 – Folkehelseundersøkinga- korleis få eit betre kollektivtilbod? - fram slikt oversendingsforslag til fylkesrådmannen:

«Vil derfor be om ei sak som belyser kva utfordringsbildet består av for å få til eit betre kollektivtilbod for regionen. Oppfordrar til dialog og samarbeid med regionen i ei slik sak.»

Oversendingsforslaget frå Njærheim vart samrøystes vedteke oversendt.

Geir Kjell Andersland (V) sette i samband med interpellasjon FO 7/19 - Utbygging av dagshytter i Sogn og Fjordane, kven er dei tilgjengeleg for? - fram slikt oversendingsforslag til fylkesrådmannen:

«Fylkesrådmanne vert beden å leggja fram ei vurdering om eit dagturhytte-prsosjekt, tilsvarande prosjektet i Sogn og Fjordane, kan realiserast i Hordaland.»

Oversendingsforslaget frå Andersland vart samrøystes vedteke oversendt.

UTDELING AV PRISAR

Prisane vart delt ut av fylkesordførar Anne Gine Hestetun.

Miljøprisen i Hordaland

Hordaland sin miljøpris for 2018 vart tildelt Besteforeldrenes klimaaksjon (BKA).

Årets kulturkommune i Hordaland

Prisen som årets kulturkommune i Hordaland vart tildelt Radøy kommune.